

GO TŠWA KA AFRIKA BORWA

Badudi ba Afrika Borwa

Ka kgopelo ngwadiša dilo tša gago tša boleng pele o etšwa ka nageng. Go fa bohlatse bja gore o tšeere dilo tša boleng, bjale ka dibenyabenyane, dišupanako, dikhamera, dikhamera tša di-video, di-laptops, go tšwa le tšona ka Afrika Borwa, o swanetše go di ngwadiša bakeng sa tlišogae pele o sepela. Ngwadišo e ka dirwa ka ofising ya Khastom ka holong ya botlogo bja ditšhabatšhaba pele o ka fana ka merwalo ya gago go mothaladi wa sefofane/sekepe.

Ka kgopelo lemoga gore ge eba dilo tša gago ga di šupege ka nomoro ya serial goba ka leswao la tšhupetšo, molato wo o swanetše go rerwa gabotse le ba Khastom pele, go dira dipeakanyo bakeng sa tšhupetšo ya maleba, ka diswantšho, go bofa, bjale le bjale, pele ga ge o ka tšwa ka Afrika Borwa.

Mo mabakeng ao o nametšego sefofane sa go kgokaganywa ka go boema bja boditšhabatšhaba go tloga fao o ka tlogago bakeng sa sefofane sa gago sa boditšhabatšhaba le tša selete, ka kgopelo tiišetša gore dithoto tša gago di ngwadišitšwe bakeng sa go di tlišogape pele ga go romela merwalo ya gago ka go sefofane sa mathomo.

Baeti / Baeti ba naga ya ka ntle

Ge eba o moeti / moeti wa naga ya ka ntle o ka kleima Motšhelo wa Boleng bja go Oketšwa (VAT) go dithoto tše di tlišitšwego ka leeto la gago ka Afrika Borwa, go bala tše dintši [kgotla mo](#).

Na ke palo efe ya tšhelete ya pampiri ya Afrika Borwa yeo ke dumeletšwego go e swara mo go nna ge ke tloga goba ke tsena ka go Repabliki?

1. Moeti o dumeletšwe go laodiša le go swara palotlalo ya R25 000/ya kharensi ya naga ya ka ntle ya go se kgaoletšwe, ge eba o tloga goba o a tsena. Tšhelete ya dipampiri ya pankya ya Afrika Borwa ga e kgaoletšwe ge eba moeti o ya / o tšwa go naga ya Common Monetary Area (CMA).
2. Go ka direga gore badudi o swere palo ya Ranta ya go feta R25 000 ge a etšwa ka Afrika Borwa, yeo moeti a hlokago go e diriša go lefela makgetho a tlišogae ge a boya. Se se dumeletšwe ge moeti a dirišitše Kanale ya Bobedi gape a ka fa khopi ya pele ga tumelelo ya Kgoro ya Taolo ya Tšhentšhano (SARB).

Maele a bohlokwa: Baofisiri ba Khastom ba ka setšha le go fediša kharensi go ya ka Taolo ya 3(3) le 3(6) ya Melao ya Taolo ya Tšhentšhano. Go hwetša tshedimošo e nngwe, o ka šupetša go [Excess Currency external policy](#).

Na badudi ba Afrika Borwa ba ka swara bokae ya kharensi ya naga ya ka ntle mo go bona ge ba etšwa ka go Rephabliki?

Palo ya boleng bja R160 000 go motho yo mongwe le yo mongwe o mogolo le R 50 000 ya ngwana yo mongwe le yo mongwe wa mengwaga ya ka fase ga (12), ka ngwaga wa khalentara ka ntle ga Afrika Borwa. Tumelelo pele go tšwa go kgwebo ya go dumelelwa (go lengwalo la hlogotaba la semmušo) le swanetše go fiwa bjale ka bohlatse bja Khastom. Ntle le tumelelo ke fela palo ya R25 000 yeo e dumelelwago go motho o tee.

Na ke dikgaoletšo dife go dikhoine tša Ranta ya Kruger?

1. Badudi ba Afrika Borwa ba ka no se iše ntle dikhoine tša Ranta ya Kruger go tšwa ka Afrika Borwa ntle le tumelelo pele ya SARB.
2. Baeti ba naga ya ka ntle / baeti ba ka tšea dikhoine tša go fihla tše lesomehlano tša Ranta ya Kruger le bona go tšwa ka Afrika Borwa ge fela ba ka fa bohlatse bja gore dikhoine tše di hweditšwe ka kharensi ya naga ya ka ntle yeo ba tlilego le yona ka Afrika Borwa.